

2024 JAARVERSLAG

AREA 11

Soos voorgehou aan die konferensiegangers op 13 Februarie te Jacobsdal (met Jacobsdal as gasvrou-tak).

Area 11 bestaan tans uit 4 takke nl. Fichardtpark (32), Jacobsdal (21), Petrusburg (32) en Tierpoort (22), Tierpoort wen dan ook op Kongresvlak die geldprys vir die tak met die meeste groei gedurende 2023. (met 6 lede). En Irma Davel van Burgersdorp Sirkel president VLV Kaapland sluit aan as lid van Tierpoort. Dan is ons geliefde Hannalie Theron ook nou 'n Tierpoort Area 11 lid.

Die 107 lede van area 11 is almal aktief en lewer positiewe insette in hulle takke en gemeenskappe. Daar was 'n positiewe groei van 5 lede in die area.

Petrusburgtak het 2023 se konferensie uitstekend aangebied op Petrusburg en baie goeie terugvoer uit verskeie oorde is ontvang. Fichardtpark het die dag beleef as 'n dag waar 'n mens verwelkom is met 'n saal wat 'n rustigheid gespel het en die eetgoed met 'n fyn hand gedoen is. Petrusburg het 'n eerste plek behaal met die konferensie.

Area 11 is 'n sterk, lewendige area en het die jaar 2023 met geloofsvertroue aangepak. Die meeste van die temas is deurgaans deur die meeste takke aangespreek. Die takke het behoorlik die kreatiewe deel van hulle persoonlikhede slim ingespan. Met goeie beplanning is wonderlike opbouende vergaderings aangebied.

NB Hierdie jaar het ek gemerk dat dit belangrik was vir die dames om genoeg kuiertyd te kry tydens vergaderings. Sodoende word vergaderings 'n dag om na uit te sien!

Al die takke het moeite gedoen om heerlike afsluitingsvergaderings te hou.

Fichardtpark het ons President mev. Elsabè Kotzè, asook die UB van area 11 uitgenooi na hulle afsluiting. Mev. Melinda Janse van Rensburg, het haar trofee ontvang wat sy verower het as die Dame met die meeste punte op kongresvlak behaal vir Area 11. Mev. Kotzè het die taktrofeë uitgedeel. Dit was 'n heerlike kuier met keurige eetgoedjies. (En hulle het twee vlieë met een klap geslaan, want 'n lekker marktafel is ook aangebied vir fondsinsameling!).

Tierpoort het afgesluit met 'n geselsie oor die verskillende rolle van die vrou aangebied deur Sonia van Zyl. Hulle verwelkom ook die nuwe President mev. Elsabè Kotzè, by die vergadering. Tierpoort doen hulle prysuitdeling en bestuursverkieping met hulle afsluitingsvergadering. En natuurlik is daar ge-koek-en-tee.

Jacobsdal geniet 'n heerlike middag by Mercy and Grace met heerlike eetgoed. Martelize Faber doen 'n voorlesing uit 'n Audrey Blignaut boek.

Petrusburg hou 'n afsluiting met 'n laatmiddag/aand kuier en steak-ete, by een van die lede se wildsplaas Welgedacht. Wat 'n heerlike ontspanne manier om die jaar af te sluit. En ons manne kon saamgaan!

Kompetisies

NB. Dit is vir my opvallend dat die jonger lede sowel as nuwe lede nie soseer *in kompetisies belangstel nie, maar toenemend 'n dringende behoefte het aan leiding. Hulle wil nuwe dinge leer en praktiese opleiding hê. Ek dink ons gesoute lede moet daadwerklik daaraan dink om hierdie aspek vanjaar aan te spreek, sodat ons 'n nuwe generasie met positiwiteit .vir die VVLU kweek.*

Die meeste die takke neem met entoesiasme deel aan die konferensie artikels. Daar is 'n positiewe oplewing aan gewone kompetisie deelnames in area 11 wat hartsverblydend is.

Met besoeke aan die takke, was ek telkens verstom oor die baie artikels op die kompetisie tafels. Ek is baie hartlik ontvang met takbesoeke en sommer nog bederf ook.

Plekke behaal tydens Kongres 2023:

Borduurwerk: Riëtte Swart 4e 81%

Masjienwerk: Emsie Muller 1e Melinda Janse van Rensburg 4e 81%

Masjienborduurwerk: Sonia Jacobs 1e, 83% Emsie Muller 3e 80%

Handvlyt: Betsie Venter 4e, 78%

Breiwerk: Lucy Viljoen 1e 83%

Fotografie: Winnie Ward 5e 79%

Skryfkuns:

Skilderkuns:

Preservering: Winnie Ward 3e 80%

Gebak:

Blomme: Rina van Zyl 6e 78%

Area 11 het die tweede plek verower met die kongres

Al die takke se jaarbeplannings het die voorgeskrewe temas aangespreek en is op kreatiewe wyse aangebied.

PROJEKTE

Jacobsdal

Hulle deel kniekomersies uit aan bejaardes bokant 80jr Hulle

pak ook sopmengsels. Die 50 bottels is aan behoefdiges geskenk.

Jacobsdal VLU dames is baie betrokke by welsyn in die dorp. Hulle het 'n klerebank wat klere goedkoop verkoop sodat hulp verleen kan word waar nodig.

Fichardtpark is voluit betrokke by Therapèa Kids-en-Jeugsorgsentrum. Gedurende 2023 word die dogters bederf met eetgoedjies vir die laataande gedurende die winter, mussies, handskoene, serpe, en slaapkouse (gebrei of gehekel) en skryfbehoeftes Kruideniersware, geld, asook goeie klere word bygedra. Ria Maré bied Sondae middag kuns en Handvlyt klassies aan vir die dogters.

Petrusburg

Die 32 dames van Petrusburg Vlu tak bied 'n suksesvolle konferensie op 15 Februarie aan. Selfs die dreigende betogings kon die tak nie keer nie!

Petrusburg is betrokke by die opening van die Museum by Perdeberg.

Hulle bied saam met Christof vd Berg 'n opelug musiekaand op 'n wildsplaas aan.

Petrusburg dames is behulpsaam met etes vir behoeftiges in die dorp. (Die Rut projek).

Die dames doen baie moeite om die persone te laat saamkuier een keer per maand.

Kospakkies word ook weekliks uitgedeel aan behoeftiges.

Tierpoort:

Tierpoort woel en werskaf. Hulle maak verskeie maaltye soos kerrie-en-rys wat hulle op 'n deurry basis verkoop vir fondse. Dit werk uitstekend.

Tierpoort se voorsitter Me Sonia van Zyl, glo aan kompetisies wat bekostigbaar is. Dit maak van haar 'n gewilde en uitstekende voorsitter.

-Mev Sonia van Zyl bied 'n werkswinkel aan oor preservering. Sy bied ook "brei 'n beertjie" beginnersklas aan wat deur 9 dames bygewoon is.

Ten slotte

My innige dank aan ons Hemelse Vader vir baie genade gedurende 2023. Aan ons dierbare me Gerda Pienaar wat vir 'n groot gedeelte van 2023 President van VVLU was, wil ons ook van harte bedank vir haar leiding en sagte aanslag. Mevrouw u het diep spore getrap. Ons verwelkom ons nuwe president me. Elsabè Kotzè van area 10; ons buurvrou area. Die Suid Weste van die Vrystaat is trots op u en wens jou seën en vreugde toe vir die termyn wat wag. Ons staan agter jou. Area 11 is 'n besondere area en ek is bevoorreg om as Uitvoerende bestuurslid in hierdie area te dien. Mag julle van krag tot krag gaan en steeds so mooi saamwerk.

*Met kaalvoetdapper voete
hardloop ons oor allerhande goete
terwyl ons harte van vreugde klop.
AREA 11 jy is sommer op en top!*